



## Concello de Vigo

### YOLANDA AGUIAR CASTRO, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

**CERTIFICADO:** Que a Xunta de Goberno Local, na **sesión ordinaria do 16 de marzo de 2023**, adoptou o seguinte acordo:

**2.- PROXECTO DE CONVENIO DE COLABORACIÓN COA “ASOCIACIÓN ÉRGUETE PREVENCIÓN E INTERVENCIÓN EN CONDUTAS ADICTIVAS” E COA “FUNDACIÓN ÉRGUETE-INTEGRACIÓN” PARA O DESENVOLVEMENTO DUN PROGRAMA DE PISOS DE APOIO Á INCORPORACIÓN SOCIAL DE DROGODEPENDENTES E DUN PROGRAMA DE REDUCCIÓN DO DANO EN MEDIO ABERTO (“PROGRAMA SEREOS”) – ANOS 2023-2025». EXPTE. 2936/315.**

Visto o informe xurídico de data 24/02/2023 e o informe de fiscalización do 07/03/2023, dáse conta do informe-proposta de data 23/02/2023, asinado polo xefe de CEDRO, o xefe de Área de Benestar Social, a concelleira-de Política de Benestar Social e o concelleiro-delegado de Orzamentos e Facenda, que di o seguinte:

#### I. INFORME

I.1. A “ASOCIACIÓN ÉRGUETE PREVENCIÓN E INTERVENCIÓN EN CONDUTAS ADICTIVAS” ven desenvolvendo a súa actividade en Vigo, no campo das drogodependencias, levando a cabo diversos programas de axuda que complementan as actividades asistenciais e de incorporación social das Administracións local e autonómica.

Desde o ano 2002 dispón dun programa de apoio residencial para persoas drogodependentes en tratamento nas unidades asistenciais de drogodependencias da Rede de Tratamento de Condutas Adictivas en Vigo, que se desenvolve en tres pisos ou centros de réxime residencial temporal nos que, mediante unha actuación programada, se posibilitan oportunidades de axuste persoal e incorporación socio-laboral das persoas en situación de risco de exclusión social. Son os tres “centros de apoio social a procesos terapéuticos” de Érguete que constan rexistrados no RUEPSS cos núms. E-0103C001, E-0103C002 e E-0103C003.

Este programa de apoio residencial vai dirixido a persoas drogodependentes en tratamento que teñen alcanzado unha estabilidade no seu proceso terapéutico e que necesitan dun recurso deste tipo para progresar na súa incorporación social, sendo o obxectivo principal a adaptación do usuario ó medio social a través dun programa de residencia temporal nunha vivenda normalizada coa supervisión de profesionais.

O seguimento da evolución dos usuarios realízase de forma coordinada xunto cos terapeutas de referencia das unidades asistenciais de drogodependencias da área de Vigo.

I.2. A “FUNDACIÓN ÉRGUETE-INTEGRACIÓN” é unha entidade sen ánimo de lucro que pretende facilitar atención e a incorporación sociolaboral de persoas en risco ou situación de exclusión social e desenvolve, entre outros, un programa de intervención dirixido a grupos de poboación en situación de exclusión social que leva en funcionamento desde o ano 2006 e que ten por obxecto detectar poboacións ocultas de drogodependentes con vulnerabilidade ou en situación de risco, ampliar a cobertura de atención de rúa, reducir ou limitar danos socio sanitarios e mellorar a información e o acceso cara ós recursos asistenciais.



I.3.- PROGRAMA DE PISOS DE APOIO da “ASOCIACIÓN ÉRGUETE PREVENCIÓN E INTERVENCIÓN EN CONDUTAS ADICTIVAS”: a L.2/1996, do 8 de maio, de Galicia sobre drogas recolle as competencias das Administracións locais e os programas, medidas e ámbitos de intervención referidos á prevención, asistencia e incorporación social na nosa Comunidade.

Na Orde do 25 de xaneiro de 2008, pola que se regulan os requisitos que deben cumprir os centros de inclusión e emerxencia social, recóllese a existencia de centros de acollida e inclusión.

A «Estratexia Nacional sobre Adiccións 2017-2024» (ENA 2017-2024), aprobada en Consello de Ministros o 9 de febreiro de 2018, ten como marco institucional o establecido por mor da creación do Plan Nacional sobre Drogas, en 1985, e da Delegación do Goberno para o devandito Plan, e a súa normativa de desenvolvemento. Entre as instancias que forman parte dese marco institucional cabe sinalar os Plans Autonómicos de Drogas, os Departamentos e Organismos da Administración Xeral do Estado con competencias en drogas e adiccións en xeral, as Entidades Locais, a Federación Española de Municipios e Provincias (FEMP), as organizacións non gubernamentais, as sociedades científicas e aquelas outras entidades e colectivos de carácter social que desenvolvan a súa actividade no ámbito das actuacións do Plan Nacional sobre Drogas.

A coordinación institucional da ENA 2017-2024 fundaméntase nos seguintes obxectivos estratéxicos: 1) Garantir as sinerxias, a coherencia e as prácticas eficaces entre as Administracións públicas a todos os niveis, as diferentes institucións e iniciativas, evitando a duplicación de esforzos, garantindo a eficacia do intercambio de información, utilizando eficazmente os recursos e garantindo a continuidade das accións; 2) Fomentar e alentar a participación e implicación activas e significativas da sociedade civil (asociacións científicas e profesionais, ONG, axentes sociais, asociacións de veciños,...); 3) Fomentar a coordinación dentro e entre as propias CCAA e as Entidades Locais que contén con Plans de Adiccións propios, para garantir a continuidade das accións, e, 4) Garantir a coordinación coas Estratexias e Plans do ámbito social e sanitario que impulsa o Goberno da Nación que inciden sobre os colectivos sociais ós que se dirixe a ENA 2017-2024: poboación en risco de exclusión social, adolescencia, mulleres, inmigrantes, reclusos...

Pola súa banda, o Plan de Trastornos Adictivos de Galicia estableceu entre os seus principios reitores a necesidade da participación social na planificación e execución das respostas fronte ás adiccións, a coordinación intersectorial e a corresponsabilidade. Entre os seus obxectivos xerais atópanse os de apoiar ós procesos de integración social das persoas atendidas na Rede de Tratamento de Condutas Adictivas, mediante a promoción de programas dirixidos a mellorar as habilidades sociais e persoais que favorezan a autonomía persoal das persoas con dificultades de integración social polos seus problemas de adicción, desenvolver medidas de acción positiva fronte á exclusión social e/ou laboral das persoas con problemas de adicción en situación de vulnerabilidade e intensificar a coordinación e cooperación institucional mediante a potenciación da coordinación e cooperación coas Administracións locais de Galicia e coa Administración xeral do Estado, para asegurar o cumprimento dos obxectivos previstos no Plan de Trastornos Adictivos e tamén promover a participación social, a coordinación e a cooperación coas entidades privadas que traballan nos ámbitos da prevención, asistencia, incorporación social, formación e investigación en trastornos adictivos.

Máis concretamente, establécense liñas estratéxicas para a mellora da cobertura asistencial dos trastornos adictivos e o apoio ós procesos de incorporación social das persoas con trastornos adictivos, mediante a colaboración no funcionamento de recursos residenciais de apoio á incorporación social para drogodependentes con necesidades sociosanitarias.



Copia do documento - Concello de Vigo	Data impresión: 15/05/2024 20:46	Páxina 2 de 17
SUBVENCIONS	CSV: A6A64E-EF3BE2-D6EA42-MBPXU3-C2HDEZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

I.4. O Concello de Vigo ven desenvolvendo desde o ano 1984 una política activa de intervención en drogodependencias nos ámbitos da prevención, asistencia e incorporación social.

No Plan Local sobre Drogodependencias e outras Adicións (PLDA) de Vigo propóñense os obxectivos e estratexias de intervención no ámbito das condutas adictivas e da súa problemática asociada, a nivel local, entre os que se atopa manter a calidade dos recursos existentes, evitar a desaparición de programas, accións ou recursos necesarios para dar resposta ás necesidades asistenciais da cidade, mellorar a atención das urxencias sociosanitarias e cobertura de necesidades primarias de alimentación, hixiene e vivenda e potenciar o mantemento e a creación de novos dispositivos para cubrir as necesidades básicas daquela poboación carente de vivenda ou en situación de risco de exclusión.

O PLDA establece que os instrumentos para o seu desenvolvemento son, entre outros, o Servizo de Benestar Social, CEDRO, a oficina técnica municipal do PLDA, o convenio coa Consellería de Sanidade e a coordinación e colaboración coas entidades (asociacións, fundacións, ONGs) adheridas o PLDA.

I.5. “PROGRAMA SEREOS” da “FUNDACIÓN ÉRGUETE-INTEGRACIÓN”: entre os obxectivos xerais dos Plans de Acción das diferentes estratexias nacionais de adicións, atópanse os de garantir unha asistencia de calidade e adaptada ás súas necesidades a todas aquelas persoas directa ou indirectamente afectadas por consumo de drogas, reducir ou limitar os danos ocasionados á súa saúde e, en xeral, os efectos sociais e sanitarios indesexables relacionados co seu uso, e facilitar a incorporación á sociedade das persoas en proceso de rehabilitación, a través de programas de formación integral e de preparación e inserción laboral. A nivel de diminución do risco e redución do dano, considérase necesario ampliar a cobertura de programas de rúa ou de contacto, acceso e detección precoz de problemas que afectan a grupos de poboación en situación de risco.

No ámbito galego, o Plan de Trastornos Adictivos de Galicia estableceu tamén como unha liña estratéxica a diminución de riscos e a redución de danos asociados ó uso e abuso de drogas, mediante o desenvolvemento de programas móbiles de diminución de riscos e redución de danos asociados ó consumo de alcohol e outras drogas en zonas de ocio xuvenil, a realización de obradoiros sobre consumo de menor risco e práctica de sexo seguro, o intercambio de xiringas entre consumidores de drogas por vía parenteral, a difusión de información sobre pautas de consumo hixiénico, así como de materiais estériles de consumo e preservativos entre os usuarios de drogas afastados dos servizos asistenciais.

De feito, a carteira de servizos en materia de prevención do Plan de Galicia sobre Drogas contempla a execución de programas de redución de danos e prevención indicada para drogodependentes, e especificamente os dirixidos á intervención precoz con drogodependentes en situación de emerxencia social.

Como antes se indicaba, no Plan Local sobre Drogodependencias e outras Adicións (PLDA) de Vigo propóñense os obxectivos e estratexias de intervención no ámbito das condutas adictivas e da súa problemática asociada, a nivel local, entre os que se atopa, ademais dos xa relacionados, a mellora da atención ós colectivos en situación de exclusión social e a cobertura dos programas de emerxencia, redución do dano e intervención en medio aberto.

O Programa SEREOS é un programa de redución do dano en medio aberto que se prestará mediante unha unidade móbil na rúa e que ten como obxectivo xeral atender as necesidades básicas de alimentación e hixiene das persoas usuarias drogodependentes, ofrecendo ademais acompañamento social e orientación laboral.

I.6. O Concello de Vigo, segundo a Lei 7/1985, do 2 de abril, reguladora de bases de réxime local, para a xestión dos seus intereses e no ámbito das súas competencias, pode promover actividades e prestar os servizos públicos que contribúan a satisfacer as necesidades e aspiracións da comunidade veciñal. Entre as



Copia do documento - Concello de Vigo	Data impresión: 15/05/2024 20:46	Páxina 3 de 17
SUBVENCIONS	CSV: A6A64E-EF3BE2-D6EA42-MBPXU3-C2HDEZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

súas competencias están a protección da salubridade pública e a prestación dos servizos de avaliación e información de situacións de necesidade social e a atención inmediata ás persoas en situación ou risco de exclusión social, sendo esta última competencia de obrigado exercicio para os concellos de máis de 20.000 habitantes (Arts. 25.1, 25.2.e], 25.2.j] e 26.1.c] da LRBRL, na redacción dada pola L.27/2013, do 27 de decembro – LRSAL).

I.7. A teor da reforma introducida pola L.27/2013, do 27 de decembro, de Racionalización e Sostibilidade da Administración local (LRSAL), a competencia en materia de «prestación dos servizos sociais, promoción e reinserción social» residenciase na Admón. autonómica. Así e todo, a L.5/2014, do 27 de maio, de medidas urxentes derivadas da entrada en vigor da Lei 27/2013, do 27 de decembro, de racionalización e sustentabilidade da Administración Local, aprobada polo Parlamento de Galicia na súa sesión plenaria do 27.05.2014 (DOG nº 102, do 30.05.2014), considera que “non se entenderá como exercicio de novas competencias”, entre outras, a continuidade na prestación dos servizos xa establecidos e da actividade de fomento e a formalización de convenios de colaboración de concesión de subvencións (Art. 3.3.).

I.8. Ademais, sinala claramente que, con carácter xeral, as competencias atribuídas ás EELL pola lexislación autonómica anterior á entrada en vigor da LRSAL: «continuarán exercédoas elas, rexéndose pola indicada lexislación ou, de ser o caso, polo dereito estatal aplicable como supletorio, sen prexuízo do disposto nas disposicións adicionais cuarta e quinta sobre a asunción pola Comunidade Autónoma das competencias relativas á educación, saúde e servizos sociais»; e aclara que as competencias que a CA de Galicia deberá asumir en materia de educación, saúde e servizos sociais: «continuarán sendo prestadas polos municipios mentres non se dean as condicións previstas para o seu traspaso na normativa básica e, en particular, o establecemento do novo sistema de financiamento autonómico e das facendas Locais previsto nela» (Disps. Adics. 1ª e 4ª L.5/2014).

I.9. O Concello de Vigo, na aplicación orzamentaria nº 3112.489.00.00, prevé a concesión dunha subvención nominativa por importe de 57.000 € a favor de Érguete: “CONV. ERGUETE ALOXAMENTO ALTERNATIVO E PRO.SEREOS”, polo que ten a consideración de subvención directa segundo os artigos 28 da Lei 38/2003, do 17 de novembro, xeral de subvencións e 26 da Lei 9/2007, do 13 de xuño, de subvencións de Galicia. A mais abondamento, acredítanse razóns de interese público, social e humanitario para a súa concesión; motivacións necesarias, así mesmo, para utilizar o procedemento de concesión directa do artigo 19.4 da Lei 9/2007.

I.10. A concesión da subvención artéllase mediante un convenio de colaboración que inclúe as prescricións que sinalan as Bases 38 e 40 das de execución dos Orzamentos: competencias de aplicación, contraprestación económica ós gastos que representa a acción a desenvolver, órgano de colaboración, seguimento da materia conveniada, aclaración de diverxencias, vixencia, etc.

I.11. Canto á vixencia deste Convenio coa “ASOCIACIÓN ÉRGUETE PREVENCIÓN E INTERVENCIÓN EN CONDUCTAS ADICTIVAS” e coa “FUNDACIÓN ÉRGUETE-INTEGRACIÓN”, propónse que esta sexa de tres (3) anos (2023-2025).

I.12. Por concorrer razóns de interese público, social e humanitario que determinan a concesión da subvención e tendo en conta o carácter das beneficiarias como entidades non lucrativas adicadas a desenvolver programas con fins sociais que presentan necesidades financeiras demostradas que lles impiden realizar cos seus propios medios a actividade subvencionada, propónse o aboamento dun 50% da cantidade anual á sinatura do convenio. De acordo co artigo 42 do Real Decreto 887/2006, de 21 de xullo (Regulamento da Lei xeral de subvencións), as entidades non lucrativas que desenvolvan proxectos e programas de acción social quedan exoneradas da constitución de garantías.



Copia do documento - Concello de Vigo	Data impresión: 15/05/2024 20:46	Páxina 4 de 17
SUBVENCIONS	CSV: A6A64E-EF3BE2-D6EA42-MBPXU3-C2HDEZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## II. PROPOSTA DE ACORDO

En consecuencia, visto o que antecede e a proposta de convenio de colaboración elaborada, propónse á Xunta de Goberno Local a adopción do seguinte,

### «ACORDO

PRIMEIRO.- Prestar aprobación ó «CONVENIO DE COLABORACIÓN DA CONCELEIRÍA DE POLÍTICA DE BENESTAR SOCIAL DO CONCELLO DE VIGO COA “ASOCIACIÓN ÉRGUETE PREVENCIÓN E INTERVENCIÓN EN CONDUTAS ADICTIVAS” E COA “FUNDACIÓN ÉRGUETE-INTEGRACIÓN” PARA O DESENVOLVEMENTO DUN PROGRAMA DE PISOS DE APOIO Á INCORPORACIÓN SOCIAL DE DROGODEPENDENTES E DUN PROGRAMA DE REDUCCIÓN DO DANO EN MEDIO ABERTO (“PROGRAMA SEREOS”) – ANOS 2023-2025» (Exp. n.º 2936/315).

SEGUNDO.- Aprobar o gasto de 135.000€ (=45.000€/ano: 2023-2025) a favor da “ASOCIACIÓN ÉRGUETE PREVENCIÓN E INTERVENCIÓN EN CONDUTAS ADICTIVAS” (CIF G-36.642.726) e de 36.000€ (=12.000€/ano: 2023-2025) a favor da “FUNDACIÓN ÉRGUETE-INTEGRACIÓN” (CIF G-36.861.078), con cargo á aplicación orzamentaria nº 3112.489.00.00 (“CONV. ERGUETE ALOXAMENTO ALTERNATIVO E PRO.SEREOS”). As achegas correspondentes a futuros exercicios (2024 e 2025) estarán condicionadas ó cumprimento dos obxectivos propostos e á existencia de crédito adecuado e suficiente nos correspondentes orzamentos municipais.

TERCEIRO.- Publicar a subvención concedida no “Portal da Transparencia e Bo Goberno” do Concello de Vigo (<http://transparencia.vigo.org>) e remitir a información precisa á Base de Datos Nacional de Subvencións (BDNS), na que se deberá rexistrar unha “convocatoria instrumental” e os datos estruturados inmediatamente despois da concesión».

Non obstante, a Xunta de Goberno Local adoptará o acordo que estime máis oportuno.

### **ACORDO**

A Xunta de Goberno local aproba a proposta contida no precedente informe.

«CONVENIO DE COLABORACIÓN DA CONCELEIRÍA DE POLÍTICA DE BENESTAR SOCIAL DO CONCELLO DE VIGO COA “ASOCIACIÓN ÉRGUETE PREVENCIÓN E INTERVENCIÓN EN CONDUTAS ADICTIVAS” E COA “FUNDACIÓN ÉRGUETE-INTEGRACIÓN” PARA O DESENVOLVEMENTO DUN PROGRAMA DE PISOS DE APOIO Á INCORPORACIÓN SOCIAL DE DROGODEPENDENTES E DUN PROGRAMA DE REDUCCIÓN DO DANO EN MEDIO ABERTO (“PROGRAMA SEREOS”) – ANOS 2023-2025».

En Vigo, na Casa do Concello, o [data da sinatura electrónica]

### COMPARECEN

Dunha parte,

A Concelleira – Delegada da Área de Política de Benestar Social do Concello de Vigo, D<sup>a</sup> Yolanda Aguiar Castro, asistida pola Secretaria de Administración Municipal, D<sup>a</sup>. Susana Gallardo Fariña.



Copia do documento - Concello de Vigo	Data impresión: 15/05/2024 20:46	Páxina 5 de 17
SUBVENCIONS	CSV: A6A64E-EF3BE2-D6EA42-MBPXU3-C2HDEZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

Doutra parte,

D<sup>a</sup>. M<sup>a</sup> del Carmen Avendaño Otero, con DNI nº 35.956.947-N, Presidenta da “ASOCIACIÓN ÉRGUETE PREVENCIÓN E INTERVENCIÓN EN CONDUCTAS ADICTIVAS”, CIF nº G-36.642.726 e da “FUNDACIÓN ÉRGUETE-INTEGRACIÓN”, CIF nº G-36.861.078, con enderezo social común na Avda. Martínez Garrido, nº 21, interior (CP 36205 Vigo).

### INTERVEÑEN

D<sup>a</sup>. Yolanda Aguiar Castro, na súa condición de Concelleira – Delegada da Área de Política de Benestar Social do Concello de Vigo, de acordo cos Decretos do Alcalde – Presidente do 18.06.2019, de estruturación dos servizos corporativos municipais e delegación de competencias xerais e do 26.06.2019, de delegación de competencias específicas nos/as concelleiros/as delegados/as de Área (Apdo. Terceiro, Pto. 5).

D<sup>a</sup>. M<sup>a</sup> del Carmen Avendaño Otero, actuando en representación da Asociación “ÉRGUETE” e da Fundación “ÉRGUETE-Integración”, segundo así resulta dos seus estatutos e da documentación achegada ó expediente nº 2936/315 (2023), asegurando a comparecente que tales facultades non lle foron revogadas.

D<sup>a</sup>. Susana Gallardo Fariña, Secretaria de Administración Local, ós meros efectos de asistencia á Sra. Concelleira delegada e dación da fe pública no outorgamento do presente documento.

As comparecentes, no concepto en que interveñen, recoñécense recíprocamente a lexitimación e a capacidade legal necesaria para o outorgamento e formalización do presente Convenio e, como antecedentes e motivación deste acordo de vontades,

### EXPOÑEN

I.- Que a “Asociación Érguete de axuda ó toxicómano” (hoxe, “ASOCIACIÓN ÉRGUETE PREVENCIÓN E INTERVENCIÓN EN CONDUCTAS ADICTIVAS”) é unha organización non gubernamental (ONG) inscrita no Rexistro municipal de Asociacións co número 178/91, declarada de Utilidade Pública polo Ministerio do Interior segundo RD.1786/96, do 19 de xullo, e inscrita como entidade prestadora de servizos sociais na Xunta de Galicia (RUEPSS nº E0103).

A Asociación Érguete ven desenvolvendo a súa actividade en Vigo, no campo das drogodependencias, levando a cabo diversos programas de axuda que complementan as actividades asistenciais e de incorporación social das Administracións local e autonómica.

Desde o ano 2002 dispón dun programa de apoio residencial para persoas drogodependentes en tratamento nas unidades asistenciais de drogodependencias da Rede de Tratamento de Conduitas Adictivas en Vigo, que se desenvolve en tres pisos ou centros de réxime residencial temporal nos que, mediante unha actuación programada, se posibilitan oportunidades de axuste persoal e incorporación socio-laboral das persoas en situación de risco de exclusión social. Son os tres “centros de apoio social a procesos terapéuticos” de Érguete que constan rexistrados no RUEPSS cos núms. E-0103C001, E-0103C002 e E-0103C003.

Este programa de apoio residencial vai dirixido a persoas drogodependentes en tratamento que teñen alcanzado unha estabilidade no seu proceso terapéutico e que necesitan dun recurso deste tipo para progresar na súa incorporación social, sendo o obxectivo principal a adaptación do usuario ó medio social a través dun programa de residencia temporal nunha vivenda normalizada coa supervisión de profesionais.



Copia do documento - Concello de Vigo	Data impresión: 15/05/2024 20:46	Páxina 6 de 17
SUBVENCIONS	CSV: A6A64E-EF3BE2-D6EA42-MBPXU3-C2HDEZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

Para o desenvolvemento deste programa, a Asociación Érguete conta con tres vivendas urbanas, en réxime de aluguer, ubicadas na cidade de Vigo, adaptadas ó marco normativo que regula este tipo de dispositivos de atención sociosanitaria.

O seguimento da evolución dos usuarios realízase de forma coordinada xunto cos terapeutas de referencia das unidades asistenciais de drogodependencias da área de Vigo.

II.- Que a Fundación Érguete-Integración é unha entidade sen ánimo de lucro que pretende facilitar atención e a incorporación sociolaboral de persoas en risco ou situación de exclusión social e desenvolve, entre outros, un programa de intervención dirixido a grupos de poboación en situación de exclusión social que leva en funcionamento desde o ano 2006 e que ten por obxecto detectar poboacións ocultas de drogodependentes con vulnerabilidade ou en situación de risco, ampliar a cobertura de atención de rúa, reducir ou limitar danos socio sanitarios e mellorar a información e o acceso cara ós recursos asistenciais.

A Fundación Érguete-Integración foi declarada de Interese Galego e figura inscrita no Rexistro de Fundacións de Interese Galego da Xunta de Galicia co n.º 1999/25. Está inscrita tamén no Rexistro municipal de Asociacións co n.º 761/01 e no RUEPSS (nº E1455).

III.- Que o Concello de Vigo, segundo a L.7/1985, do 2 de abril, reguladora de bases de réxime local, para a xestión dos seus intereses e no ámbito das súas competencias, pode promover actividades e prestar os servizos públicos que contribúan a satisfacer as necesidades e aspiracións da comunidade veciñal. Entre as súas competencias están a protección da salubridade pública e a prestación dos servizos de avaliación e información de situacións de necesidade social e a atención inmediata ás persoas en situación ou risco de exclusión social, sendo esta última competencia de obrigado exercicio para os concellos de máis de 20.000 habitantes (Arts. 25.1, 25.2.e], 25.2.j] e 26.1.c] da LRBRL, na redacción dada pola L.27/2013, do 27 de decembro – LRSAL).

A teor da reforma introducida pola L.27/2013, do 27 de decembro, de Racionalización e Sostibilidade da Administración local (LRSAL), a competencia en materia de «*prestación dos servizos sociais, promoción e reinserción social*» residenciase na Admón. autonómica.

Así e todo, a L.5/2014, do 27 de maio, de medidas urxentes derivadas da entrada en vigor da Lei 27/2013, do 27 de decembro, de racionalización e sustentabilidade da Administración Local, aprobada polo Parlamento de Galicia na súa sesión plenaria do 27.05.2014 (DOG nº 102, do 30.05.2014), considera que “*non se entenderá como exercicio de novas competencias*”, entre outras, a continuidade na prestación dos servizos xa establecidos e da actividade de fomento e a formalización de convenios de colaboración de concesión de subvencións (Art. 3.3.).

Ademais, sinala claramente que, con carácter xeral, as competencias atribuídas ás EELL pola lexislación autonómica anterior á entrada en vigor da LRSAL: «*continuarán exercédoas elas, rexéndose pola indicada lexislación ou, de ser o caso, polo dereito estatal aplicable como supletorio, sen prexuízo do disposto nas disposicións adicionais cuarta e quinta sobre a asunción pola Comunidade Autónoma das competencias relativas á educación, saúde e servizos sociais*»; e aclara que as competencias que a CA de Galicia deberá asumir en materia de educación, saúde e servizos sociais: «*continuarán sendo prestadas polos municipios mentres non se dean as condicións previstas para o seu traspaso na normativa básica e, en particular, o establecemento do novo sistema de financiamento autonómico e das facendas Locais previsto nela*» (Disps. Adics. 1ª e 4ª L.5/2014).



Copia do documento - Concello de Vigo	Data impresión: 15/05/2024 20:46	Páxina 7 de 17
SUBVENCIONS	CSV: A6A64E-EF3BE2-D6EA42-MBPXU3-C2HDEZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

#### IV.- PROGRAMA DE PISOS DE APOIO:

A L.2/1996, do 8 de maio, de Galicia sobre drogas recolle as competencias das Administracións locais e os programas, medidas e ámbitos de intervención referidos á prevención, asistencia e incorporación social na nosa Comunidade.

Na Orde do 25 de xaneiro de 2008, pola que se regulan os requisitos que deben cumprir os centros de inclusión e emerxencia social, recóllese a existencia de centros de acollida e inclusión.

A «Estratexia Nacional sobre Adiccións 2017-2024» (ENA 2017-2024), aprobada en Consello de Ministros o 9 de febreiro de 2018, ten como marco institucional o establecido por mor da creación do Plan Nacional sobre Drogas, en 1985, e da Delegación do Goberno para o devandito Plan, e a súa normativa de desenvolvemento. Entre as instancias que forman parte dese marco institucional cabe sinalar os Plans Autonómicos de Drogas, os Departamentos e Organismos da Administración Xeral do Estado con competencias en drogas e adiccións en xeral, as Entidades Locais, a Federación Española de Municipios e Provincias (FEMP), as organizacións non gubernamentais, as sociedades científicas e aquelas outras entidades e colectivos de carácter social que desenvolvan a súa actividade no ámbito das actuacións do Plan Nacional sobre Drogas.

A coordinación institucional da ENA 2017-2024 fundaméntase nos seguintes obxectivos estratéxicos: 1) Garantir as sinerxias, a coherencia e as prácticas eficaces entre as Administracións públicas a todos os niveis, as diferentes institucións e iniciativas, evitando a duplicación de esforzos, garantindo a eficacia do intercambio de información, utilizando eficazmente os recursos e garantindo a continuidade das accións; 2) Fomentar e alentar a participación e implicación activas e significativas da sociedade civil (asociacións científicas e profesionais, ONG, axentes sociais, asociacións de veciños,...); 3) Fomentar a coordinación dentro e entre as propias CCAA e as Entidades Locais que contén con Plans de Adiccións propios, para garantir a continuidade das accións, e, 4) Garantir a coordinación coas Estratexias e Plans do ámbito social e sanitario que impulsa o Goberno da Nación que inciden sobre os colectivos sociais ós que se dirixe a ENA 2017-2024: poboación en risco de exclusión social, adolescencia, mulleres, inmigrantes, reclusos...

Pola súa banda, o Plan de Trastornos Adictivos de Galicia estableceu entre os seus principios reitores a necesidade da participación social na planificación e execución das respostas fronte ás adiccións, a coordinación intersectorial e a corresponsabilidade. Entre os seus obxectivos xerais atópanse os de apoiar ós procesos de integración social das persoas atendidas na Rede de Tratamento de Condutas Adictivas, mediante a promoción de programas dirixidos a mellorar as habilidades sociais e persoais que favorezan a autonomía persoal das persoas con dificultades de integración social polos seus problemas de adicción, desenvolver medidas de acción positiva fronte á exclusión social e/ou laboral das persoas con problemas de adicción en situación de vulnerabilidade e intensificar a coordinación e cooperación institucional mediante a potenciación da coordinación e cooperación coas Administracións locais de Galicia e coa Administración xeral do Estado, para asegurar o cumprimento dos obxectivos previstos no Plan de Trastornos Adictivos e tamén promover a participación social, a coordinación e a cooperación coas entidades privadas que traballan nos ámbitos da prevención, asistencia, incorporación social, formación e investigación en trastornos adictivos.

Máis concretamente, establécense liñas estratéxicas para a mellora da cobertura asistencial dos trastornos adictivos e o apoio ós procesos de incorporación social das persoas con trastornos adictivos, mediante a



Copia do documento - Concello de Vigo	Data impresión: 15/05/2024 20:46	Páxina 8 de 17
SUBVENCIONS	CSV: A6A64E-EF3BE2-D6EA42-MBPXU3-C2HDEZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		





## Concello de Vigo

colaboración no funcionamento de recursos residenciais de apoio á incorporación social para drogodependentes con necesidades sociosanitarias.

O Concello de Vigo ven desenvolvendo desde o ano 1984 una política activa de intervención en drogodependencias nos ámbitos da prevención, asistencia e incorporación social.

No Plan Local sobre Drogodependencias e outras Adiccións (PLDA) de Vigo propóñense os obxectivos e estratexias de intervención no ámbito das condutas adictivas e da súa problemática asociada, a nivel local, entre os que se atopa manter a calidade dos recursos existentes, evitar a desaparición de programas, accións ou recursos necesarios para dar resposta ás necesidades asistenciais da cidade, mellorar a atención das urxencias sociosanitarias e cobertura de necesidades primarias de alimentación, hixiene e vivenda e potenciar o mantemento e a creación de novos dispositivos para cubrir as necesidades básicas daquela poboación carente de vivenda ou en situación de risco de exclusión.

O PLDA establece que os instrumentos para o seu desenvolvemento son, entre outros, o Servizo de Benestar Social, CEDRO, a oficina técnica municipal do PLDA, o convenio coa Consellería de Sanidade e a coordinación e colaboración coas entidades (asociacións, fundacións, ONGs) adheridas o PLDA.

### V.- “PROGRAMA SEREOS”:

Entre os obxectivos xerais dos Plans de Acción das diferentes estratexias nacionais de adiccións, atópanse os de garantir unha asistencia de calidade e adaptada ás súas necesidades a todas aquelas persoas directa ou indirectamente afectadas por consumo de drogas, reducir ou limitar os danos ocasionados á súa saúde e, en xeral, os efectos sociais e sanitarios indesexables relacionados co seu uso, e facilitar a incorporación á sociedade das persoas en proceso de rehabilitación, a través de programas de formación integral e de preparación e inserción laboral. A nivel de diminución do risco e redución do dano, considérase necesario ampliar a cobertura de programas de rúa ou de contacto, acceso e detección precoz de problemas que afectan a grupos de poboación en situación de risco.

No ámbito galego, o Plan de Trastornos Adictivos de Galicia estableceu tamén como unha liña estratéxica a diminución de riscos e a redución de danos asociados ó uso e abuso de drogas, mediante o desenvolvemento de programas móbiles de diminución de riscos e redución de danos asociados ó consumo de alcohol e outras drogas en zonas de ocio xuvenil, a realización de obradoiros sobre consumo de menor risco e práctica de sexo seguro, o intercambio de xiringas entre consumidores de drogas por vía parenteral, a difusión de información sobre pautas de consumo hixiénico, así como de materiais estériles de consumo e preservativos entre os usuarios de drogas afastados dos servizos asistenciais.

De feito, a carteira de servizos en materia de prevención do Plan de Galicia sobre Drogas contempla a execución de programas de redución de danos e prevención indicada para drogodependentes, e especificamente os dirixidos á intervención precoz con drogodependentes en situación de emerxencia social.

Como antes se indicaba, no Plan Local sobre Drogodependencias e outras Adiccións (PLDA) de Vigo propóñense os obxectivos e estratexias de intervención no ámbito das condutas adictivas e da súa problemática asociada, a nivel local, entre os que se atopa, ademais dos xa relacionados, a mellora da atención ós colectivos en situación de exclusión social e a cobertura dos programas de emerxencia, redución do dano e intervención en medio aberto.



Copia do documento - Concello de Vigo	Data impresión: 15/05/2024 20:46	Páxina 9 de 17
SUBVENCIONS	CSV: A6A64E-EF3BE2-D6EA42-MBPXU3-C2HDEZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

O Programa SEREOS é un programa de redución do dano en medio aberto que se prestará mediante unha unidade móbil na rúa e que ten como obxectivo xeral atender as necesidades básicas de alimentación e hixiene das persoas usuarias drogodependentes, ofrecendo ademais acompañamento social e orientación laboral.

VI.- Así as cousas, o Concello de Vigo, na aplicación orzamentaria nº 3112.489.00.00, prevé a concesión dunha subvención nominativa por importe de 57.000 € a favor de Érguete: “*CONV. ERGUETE ALOXAMENTO ALTERNATIVO E PRO.SEREOS*”.

VII.- Toda vez que, de acordo co disposto nos artigos 28.1 da L.38/2003, de 17 de novembro, xeral de subvencións e 26.1 da L.9/2007, do 13 de xuño, de subvencións de Galicia, o convenio será o instrumento habitual para canalizar as subvencións previstas nominativamente nos orzamentos da Administración concedente, as partes conclúen o presente convenio co fin de regular os termos da concesión da subvención, cuxo obxecto é o financiamento da actividade dos pisos de apoio á incorporación social para drogodependentes en tratamento na área de Vigo que xestiona a Asociación Érguete e a prestación dos servizos a estas persoas incluídos no Programa SEREOS da Fundación Érguete-Integración.

VIII.- O presente convenio de colaboración contempla as prescricións que sinala a Base nº 40 das de Execución do Orzamento relativas a competencias de aplicación, contraprestación económica ós gastos que representa a acción a desenvolver, órgano de colaboración, seguimento da materia conveniada, aclaración de diverxencias, vixencia, etc. órgano de colaboración, seguimento da materia conveniada, aclaración de diverxencias, vixencia, etc.

En base ás precedentes consideracións e ó interese social que para a cidade de Vigo representan estas actividades da Asociación Érguete e da Fundación Érguete-Integración, o Concello de Vigo convenia con elas a súa colaboración no ámbito da atención inmediata e a incorporación social das persoas drogodependentes e a concesión dunha subvención de acordo coas seguintes,

## ESTIPULACIÓNS

### PRIMEIRA.-

A Asociación Érguete e a Fundación Érguete-Integración comprométense a colaborar coa Concellería de Política de Benestar Social do Concello de Vigo en canto á realización da actividade do programa de pisos de apoio á incorporación social de drogodependentes e do Programa SEREOS e concretamente a:

1. Realizar a contratación de persoal técnico para a execución desas actividades asistenciais, de acordo coas Memorias dos programas presentadas.
2. Asumir a súa xestión xeral.
3. Contribuir ó custo restante dos programas, relativo ós recursos materiais e outros gastos, segundo o previsto naquelas Memorias.
4. Cumprir as directrices técnicas do Plan de Trastornos Adictivos de Galicia e colaborar na implementación do Plan Local sobre Adiccións de Vigo e na súa estrutura participativa.
5. En xeral, a cumprir coas obrigas consignadas para as beneficiarias das subvencións no artigo 11 da L.9/2007.

### SEGUNDA.-

O Concello de Vigo é coñecedor da existencia dun colectivo de persoas na cidade que teñen a necesidade de acudir a estes servizos que prestan a Asociación Érguete e a Fundación Érguete-Integración para poder



Copia do documento - Concello de Vigo	Data impresión: 15/05/2024 20:46	Páxina 10 de 17
SUBVENCIONS	CSV: A6A64E-EF3BE2-D6EA42-MBPXU3-C2HDEZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

mellorar minimamente a súa calidade de vida. Ademais, estes recursos constitúen un complemento dos recursos de servizos sociais de que dispón o Concello.

Por tales razóns, comprométese a conceder directamente á Asociación Érguete e á Fundación Érguete-Integración, unha subvención para cada un dos exercicios de 2023, 2024 e 2025, por un importe de 57.000€/ano co obxecto de coadxuvar ó financiamento das actividades do programa de pisos de apoio á incorporación social de drogodependentes e do Programa SEREOS.

En concreto, destinarase durante o periodo 2023-2025 a cantidade de 45.000€/ano ó desenvolvemento do programa de pisos de apoio da Asociación Érguete e 12.000€/ano á execución do Programa SEREOS da Fundación Érguete-Integración.

As achegas correspondentes a futuros exercicios (2024 e 2025) estarán condicionadas á existencia de crédito adecuado e suficiente nos correspondentes orzamentos municipais e, loxicamente, tamén ó cumprimento dos obxectivos fixados.

Xustifícase expresamente o periodo de vixencia deste Convenio no disposto no Art. 31 da Lei 13/2008, do 3 de decembro, de servizos sociais de Galicia, segundo o que os convenios singulares con entidades de iniciativa social como o presente poderán ter carácter plurianual con vistas a «*garantir un marco estable que favoreza e facilite a mellor prestación dos servizos, plans e programas, sen prexuízo da súa posible resolución anticipada por incumprimento, por inexistencia sobrevida das razóns especiais que o xustificaron ou calquera outra causa establecida regulamentariamente ou no propio convenio*».

### TERCEIRA.-

Esta subvención será compatible con calquera outra subvención ou axuda para a mesma finalidade procedente de calquera outra Administración ou de entes públicos ou privados, nacionais, da Unión Europea ou de organismos internacionais.

As beneficiarias deberán comunicar ó Concello de Vigo a obtención doutras subvencións, axudas ingresos ou recursos que financien as actividades subvencionadas. Esta comunicación deberá efectuarse no momento en que se coñeza e, en todo caso, con anterioridade á xustificación da aplicación dada ós fondos recibidos.

En calquera caso, o importe total da subvención ou subvencións non poderá superar o das actividades subvencionadas; caso no que se procederá na forma prevista no artigo 34 do RD. 887/2006, de 21 de xuño, polo que se aprobou o Regulamento da Lei Xeral de Subvencións.

### CUARTA.-

O Convenio perfeccionarase pola prestación do consentimento das partes, entrará en vigor no momento da súa sinatura e estará vixente ata a completa execución dos proxectos ó que se refire. Para os efectos do establecido na L.40/2015 (Art. 49.h) e Disp. Adic. Oitava), o seu prazo de vixencia será de tres (3) anos (2023 – 2025), condicionado á existencia de crédito orzamentario adecuado e suficiente en cada un dos exercicios.

### QUINTA.-

Calquera alteración do contido deste Convenio precisará do acordo das partes asinantes e da autorización municipal do órgano competente e se instrumentará mediante a correspondente *Addenda*.



Copia do documento - Concello de Vigo

Data impresión: 15/05/2024 20:46

Páxina 11 de 17

SUBVENCIONS

CSV: A6A64E-EF3BE2-D6EA42-MBPXU3-C2HDEZ-FD

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

**SEXTA.-**

O Convenio extinguirase, ordinariamente, polo cumprimento total das actuacións que constitúen o seu obxecto ou ben por acordo unánime das partes, por decisión xudicial declaratoria da súa nulidade ou por incumprimento das obrigas e compromisos asumidos por cadaquén. Neste caso, calquera das partes poderá notificar á parte incumpridora un requirimento para que cumpra nun determinado prazo coas obrigas ou compromisos que se consideran incumpridos. De se incumprir tal requirimento procederá a resolución do Convenio e, de ser o caso, a esixencia da indemnización que proceda polos danos e perdas ocasionados. En todo caso, tocante ós efectos da resolución do Convenio estarase ó disposto na súa normativa reguladora (Art. 52 LRXSP e ccetes.).

**SÉTIMA.-**

O gasto representado pola formalización deste convenio poderá financiarse con cargo ás aplicacións correspondentes dos respectivos exercicios orzamentarios; en 2023, a nº 3112.489.00.00 - “CONV. ERGUETE ALOXAMENTO ALTERNATIVO E PRO.SEREOS”.

Os pagamentos efectuaráanse do seguinte xeito:

1. No ano 2023, o 50% da cantidade anual á sinatura do convenio. Nos anos 2024 e 2025, o 50% da cantidade anual no primeiro trimestre do ano. Ó concorrer razóns de interese público, social e humanitario que determinan a concesión da subvención e tendo en conta o carácter das beneficiarias como entidades non lucrativa adicadas a desenvolver programas con fins sociais, que presentan necesidades financeiras demostradas que lles impiden realizar cos seus propios medios as actividades subvencionadas, considérase necesario conveniar un pago anticipado por importe do cincuenta por cento do total da subvención. De acordo co artigo 42 do RD.887/2006, do 21 de xullo, polo que se aprobou o Regulamento da Lei xeral de subvencións, as entidades non lucrativas que desenvolvan proxectos e programas de acción social quedarán exoneradas da constitución de garantías.

2. O 50% restante, unha vez xustificadas os gastos realizados ata o 1 de novembro de cada un dos tres exercicios, mediante facturas orixinais ou demais documentos acreditativos dos gastos e Memoria anual, coa preceptiva certificación do cumprimento do convenio asinada polo/a funcionario/a responsable do proxecto.

Deste xeito, as cantidades correspondentes ó 50% de cada pagamento quedan do seguinte xeito:

ENTIDADE	PROGRAMA	IMPORTE TOTAL	ENTIDADE 50%
ASOCIACIÓN ÉRGUETE - PREVENCIÓN E INTERVENCIÓN EN CONDUCTAS ADICTIVAS	“PROGRAMA DE PISOS DE APOIO ”	45.000€	ASOCIACIÓN ÉRGUETE - PREVENCIÓN E INTERVENCIÓN EN CONDUCTAS ADICTIVAS
			22.500€
FUNDACIÓN ÉRGUETE-INTEGRACIÓN	“PROGRAMA SEREOS”	12.000€	FUNDACIÓN ÉRGUETE-INTEGRACIÓN
			6.000€



Copia do documento - Concello de Vigo	Data impresión: 15/05/2024 20:46	Páxina 12 de 17
SUBVENCIONS	CSV: A6A64E-EF3BE2-D6EA42-MBPXU3-C2HDEZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

<b>IMPORTE ANUAL CONVENIO</b>	<b>57.000€</b>	<b>28.500€ (50%)</b>
-------------------------------	----------------	----------------------

Para poder realizar o pagamento anticipado previsto será necesario que as entidades presenten previamente unha declaración responsable de non está incursa en ningunha das prohibicións e/ou circunstancias indicadas no Art. 34.4 pfo. 3º da L.38/2003, do 17 de novembro, xeral de subvencións, como impeditivas para a realización de pagamentos anticipados a beneficiarios de subvencións.

### OITAVA.-

Se o custo total das actividades subvencionadas resultase ser menor que o contemplado para a concesión da subvención ou se reducisen na execución das actividades subvencionadas as actuacións ou elementos previstos como integrantes das mesmsa, procederá a redución da subvención na mesma proporción.

A comunicación destas circunstancias ó Concello deberá efectuarse no momento en que se coñeza e, en todo caso, con anterioridade á xustificación da aplicación dada ós fondos recibidos.

### NOVENA.-

No caso de que as entidades beneficiarias fagan algún tipo de publicidade ou difusión das actividades, deberán dar a adecuada publicidade ó financiamento municipal das actividades subvencionadas, previa conformidade da Concillería de Política de Benestar Social, e incluír de maneira explícita os logotipos de identificación corporativa da Consellería de Sanidade, do PLDA de Vigo e da Concillería de Política de Benestar Social do Concello de Vigo.

### DÉCIMA.-

Como mecanismo de coordinación para facer efectiva unha colaboración – supervisión, crearase unha Comisión mixta de Seguimento que entenderá sobre os temas cotiás da actividade, coordinación e solución de controversias e que estará composta por dous/dúas representantes de Érguete (1 da Asociación e 1 da Fundación) e dous/dúas técnicos/as municipais, presidida polo/a Concelleiro/a responsable dos Servizos sociais.

### DÉCIMO PRIMEIRA.-

A Asociación Érguete e a Fundación Érguete-Integración comprométense a someterse á lexislación vixente en materias sanitarias e de seguridade para os/as usuarios/as do servizo, facéndose responsables dos danos e perdas que se poidan derivar do seu incumprimento.

### DÉCIMO SEGUNDA.-

A Asociación e a Fundación Érguete-Integración poderán contratar a cantas persoas crean adecuadas para a execución destes programas, suxeitándose ás condicións laborais vixentes, sen que isto supoña relación laboral de ningunha clase desas persoas co Concello.

### DÉCIMO TERCEIRA.-

A Asociación e a Fundación Érguete-Integración comprométense a presentar antes do día 01 de novembro de cada un dos tres exercicios (2023, 2024 e 2025) a documentación xustificativa do cumprimento da finalidade para a que se concedeu a subvención e, no seu caso, da aplicación dos fondos recibidos. A xustificación



Copia do documento - Concello de Vigo	Data impresión: 15/05/2024 20:46	Páxina 13 de 17
SUBVENCIONS	CSV: A6A64E-EF3BE2-D6EA42-MBPXU3-C2HDEZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

deberá facerse conforme á previsión contida no artigo 30 da L.38/2003 e 28 da L.9/2007, coa estrutura de conta xustificativa prevista no artigo 72 do RD.887/2006, que conterá memoria de actuación xustificativa e memoria económica xustificativa.

Para tal efecto deberán presentar unha conta xustificativa na que deberá constar a declaración das actividades realizadas e dos gastos efectuados, procedencia e aplicación dos fondos propios e outras subvencións ou recursos que financiasen tamén as actividades subvencionadas.

A documentación da conta xustificativa deberá achegarse necesariamente a través da sé electrónica do Concello de Vigo ( <https://sede.vigo.org/expedientes/sede/?lang=gal#2>) por calquera dos mecanismos de identificación admitidos nela e incluírá unha relación de todos os xustificantes de pagamento dos gastos efectuados.

Os documentos que conformarán a xustificación da subvención serán:

- Unha memoria social xustificativa das actuacións desenvolvidas.
- Unha memoria económica xustificativa do custo das actividades realizadas, que conterá:

1. Unha relación clasificada dos gastos subvencionados, con identificación do acreedor e do documento, o seu importe e data de emisión.
2. Nominas debidamente asinadas polo/a profesional contratado/a así como contratos de traballo e documentos acreditativos do pagamento das cotas da Seguridade Social (RNT e RLC).
3. Unha relación detallada doutros ingresos ou subvencións que financien as actividades subvencionadas con indicación do importe e a súa procedencia.
4. Unha declaración responsable do perceptor, acreditativa dos seguintes extremos:
  - Que os xustificantes acreditativos dos gastos que se presenten se aplicaron ás actividades subvencionadas.
  - Que foron abonadas ós seus expedidores ou, no seu caso, ós titulares do dereito que incorporan.
  - Que se atopan ó corrente das súas obrigas tributarias e coa Seguridade Social, para os efectos previstos no artigo 31 da Lei 9/2007, de subvencións de Galicia.

A xustificación deberá facerse con documentos orixinais pola parte subvencionada e con copias de facturas polo resto do orzamento. Poderase substituír a presentación de copias de facturas polo gasto do proxecto ou actividade non subvencionada pola presentación dun balance que abarque a totalidade do gasto ou por unha certificación na que se acredite que o programa ou actividade que foi obxecto da subvención foi executado na súa totalidade e o seu custo total é o que se reflicte na memoria de rendición (Base 38 execución orzamentos).

As facturas deberán recoller o número de CIF, a data, número de factura e o IVE. Estes xustificantes quedarán a disposición do Concello de Vigo. Non se admitirán facturas que non reúnan as esixencias previstas na normativa reguladora das obrigas de facturación (RD.1619/2012, do 30 de novembro). Nestas facturas computarase o gasto acreditado deducindo o IVE, a non ser que se xustifique a exención deste imposto.

Será esixible a achega de facturas electrónicas e/ou copias dixitalizadas compulsadas das facturas orixinais en papel, reflectíndose nunha Táboa todos os gastos acreditados mediante as mesmas.



Copia do documento - Concello de Vigo	Data impresión: 15/05/2024 20:46	Páxina 14 de 17
SUBVENCIONS	CSV: A6A64E-EF3BE2-D6EA42-MBPXU3-C2HDEZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



Se as beneficiarias das axudas solicitasen a devolución dos xustificantes orixinais que se tiveron en conta para facer a fiscalización e o pagamento, se estes fosen facturas en papel, o servizo xestor das axudas procederá á súa devolución, obtendo os orixinais do expediente electrónico, que serán substituídas con copias validadas que serán enviadas polo servizo xestor do gasto, procedendo ó “*estampillado*” de todas as facturas orixinais retiradas, na que se fará constar, que a devandita factura foi tida en conta na conta xustificativa da subvención outorgada polo servizo, que quedará reflectida no corpo da factura. En ningún caso serán retirados os orixinais sen achegar copias compulsadas que substituirán aos orixinais. No caso de xustificación con facturas electrónicas, no documento asociado á factura electrónica, farase constar esta circunstancia. De non ser posible esta acreditación, a xefatura do servizo, ante a solicitude do beneficiario, emitirá un informe no que se acreditará os números de facturas que se tiveron en conta para xustificar a subvención ante o Concello (Base 38.4.B] execución orzamentos).

DÉCIMO CUARTA.-

Antes de proceder ó pagamento da subvención, as beneficiarias deberán acreditar estar ó corrente no pagamento das súas obrigas fiscais e para coa Seguridade Social e non ser debedoras por resolución de procedencia de reintegro, o que poderán realizar por medio dunha declaración responsable, ó abeiro do artigo 31.7 e) da L.9/2007.

Serán gastos subvencionables os que de xeito indubitado respondan á natureza das actividades subvencionadas e se realicen durante a vixencia deste convenio (2023 – 2025).

DÉCIMO QUINTA.-

A realización das actividades subvencionadas e o cumprimento das finalidades que determinaron a concesión da subvención será comprobada polos servizos da Concellería de Política de Benestar Social. O responsable técnico dos programas emitirá informe ó respecto facendo constar, no seu caso, todas aquelas circunstancias que poidan resultar relevantes en orde a considerar incumplidas ou defectuosamente cumpridas as actividades subvencionadas.

DÉCIMO SEXTA.-

As beneficiarias deberán facilitar toda a información que lles sexa requirida pola Concellería de Política de Benestar Social e pola Intervención xeral municipal, Tribunal de Contas e Consello de Contas no exercicio das súas funcións de fiscalización e control do destino das subvencións.

DÉCIMO SÉTIMA.-

Procederá o reintegro das cantidades percibidas e a esixencia de xuros de mora, desde o pagamento da subvención e ata a data na que se acorde a procedencia do reintegro, nos casos previstos no artigo 33 da L.9/2007.

Cando o incumplimento das actividades subvencionadas se traduza nunha diminución significativa destas, traducible a termos económicos en función dos proxectos presentados e os seus presupostos, que non implique verdadeiro incumplimento dos obxectivos da subvención, procederá o reintegro da subvención na mesma proporción. En todo caso, procederá o reintegro do exceso da subvención sobre o custo das actividades subvencionadas.



Copia do documento - Concello de Vigo	Data impresión: 15/05/2024 20:46	Páxina 15 de 17
SUBVENCIONS	CSV: A6A64E-EF3BE2-D6EA42-MBPXU3-C2HDEZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

### DÉCIMO OITAVA.-

Canto ás infraccións e sancións en que poidan incurrir as beneficiarias da subvención e ó procedemento para a súa apreciación e imposición, estarase ó disposto no Título IV da L.9/2007, do 13 de xuño, de subvencións de Galicia e nos preceptos da LRXSP (L.40/2015) e da LPACAP (L.39/2015) relativos ó exercicio da potestade sancionadora.

### DÉCIMO NOVENA.-

En cumprimento do Regulamento (UE) 2016/679 sobre protección de datos de carácter persoal, da Lei Orgánica 3/2018, do 5 de decembro, de Protección de datos persoais e garantía dos dereitos dixitais e das demais disposicións vixentes nesta materia, infórmase que os datos das entidades beneficiarias e os dos seus representantes serán incorporados ós correspondentes ficheiros municipais baixo a responsabilidade do Concello de Vigo e ás bases de datos de xestión municipal e de Benestar social. A finalidade da súa recollida e tratamento é a instrución do procedemento para a concesión da subvención obxecto deste Convenio, a práctica das publicacións, comunicacións e notificacións de obrigado cumprimento, o seguimento e comprobación das actividades subvencionadas e as demais actuacións previstas na normativa reguladora das subvencións públicas, en orde á conclusión do proceso de subvencións.

Poderán ser cedidos a outras Administracións, organismos e institucións, asumindo estas as obrigas dos responsables de tratamento de datos. Tamén poderán ser cedidos en cumprimento dun mandato legal ou xudicial e verificados e cotexados con calquera outros dos que as demais Administracións dispoñan a fin de comprobar a súa exactitude e veracidade. A base lexitimadora do tratamento previsto reside no consentimento expreso das persoas que representan ás entidades beneficiarias e no exercicio lexítimo das competencias municipais atribuídas pola normativa de réxime local e sectorial de servizos sociais.

As persoas interesadas poden exercitar os dereitos de acceso, rectificación, supresión, oposición, limitación do tratamento e portabilidade así como opoñerse á toma de decisións individuais automatizadas, incluída a elaboración de perfís, na forma prevista na normativa vixente, perante o órgano responsable do ficheiro (Concello de Vigo). Así mesmo, teñen dereito a presentar unha reclamación perante a Axencia Española de Protección de Datos ([www.aepd.es](http://www.aepd.es)). Disporán de máis información na web municipal ou contactando co delegado de protección de datos no enderezo: [dpd.vigo@vigo.org](mailto:dpd.vigo@vigo.org)

### VIXÉSIMA.-

A concesión da subvención obxecto deste Convenio rexerese pola L.38/2003, do 17 de novembro, xeral de subvencións e o RD.887/2006, do 21 de xuño, polo que se aprobou o seu Regulamento, nos seus preceptos básicos; a lexislación básica do Estado en materia de réxime local; a L.9/2007, do 13 de xuño, de subvencións de Galicia; os preceptos non básicos da L.38/2003 e do RD.887/2006, polos pactos que se conteñen neste Convenio; as Bases de execución dos vixentes orzamentos municipais, o Plan Estratégico de Subvencións 2021 – 2023 e as restantes normas de dereito administrativo e privado aplicables.

E, en proba de conformidade, as partes asinan o presente documento por duplicado exemplar, no lugar e data expresados no encabezamento, de todo o que eu, como Secretaria de Administración municipal, dou fe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.



Copia do documento - Concello de Vigo	Data impresión: 15/05/2024 20:46	Páxina 16 de 17
SUBVENCIONS	CSV: A6A64E-EF3BE2-D6EA42-MBPXU3-C2HDEZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		





SGF/me.

V. e Pr.  
O ALCALDE,  
Abel Caballero Álvarez.



Copia do documento - Concello de Vigo	Data impresión: 15/05/2024 20:46	Páxina 17 de 17
SUBVENCIONS	CSV: A6A64E-EF3BE2-D6EA42-MBPXU3-C2HDEZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		